



Pou Piblikasyon Imedya: 2/11/2023

GOUVÈNÈ KATHY HOCHUL

## GOUVÈNÈ HOCHUL ANONSE GWO PWEN SOU 108.8 MILYON DOLA POU PWOJÈ ENFRASTRIKTI DLO LOKAL ATRAVÈ ETA NEW YORK

*Apwobasyon asistans finansye a otorize aksè minisipal nan kapital ki nesesè pou pwojè ki diminye risk sou sante publik ak anviwònman an*

*Gen ladan 66.5 milyon dola finansman pou sipòte konstriksyon Pwojè Transpò Bay Park ki ap kontinye nan Konte Nassau*

Gouvènè Kathy Hochul te anonse jodi a Konsèy Administrasyon Kòporasyon Enstalasyon Anviwònmantal (Environmental Facilities Corporation, EFC) la apwouve plis pase 108.8 milyon dola nan asistans finansye pou pwojè amelyorasyon enfrastrikti dlo yo atravè Eta New York. Apwobasyon Konsèy la otorize aksè minisipal nan finansman akoutèm nan pri ki ba, plis pase 88.9 milyon dola ak sibvansyon ki te anonse anvan pou fè avanse pwojè enfrastrikti dlo ak egou enpòtan yo, tankou pwosesis tretman pou retire kontaminan k ap parèt nan dlo potab yo.

"Eta New York kontinye bay sipò finansye san parèy pou ede kominate yo modènize sistèm dlo yo ak amelyore kalite dlo", **Gouvènè Hochul te deklare**. "Bay finansman ak resous pou ede gouvènman lokal yo kòmanse pwojè amelyorasyon enfrastrikti dlo yo se yon priyore prensipal, epi n ap kontinye travay ansanm pou nou modènize enfrastrikti nou an ak founi sistèm dlo ki sekirité ak fyab pou jenerasyon alavni yo".

Finansman apwouve gen ladan yon pake finansman 66.5 milyon dola pou Konte Nassau pou konstriksyon Pwojè Transpò Bay Park k ap kontinye a. Sa fè pati angajman finansyè 425.6 milyon dola Eta New York pou yon pwojè enpòtan k ap ranfòse rezistans ak diminye inondasyon nan enstalasyon dlo pwòp Konte Nassau a epi amelyore kalite dlo nan Reynolds Channel.

Konsèy la te pran mezi tou pou asire abòdabilite kontini epi alontèm sèt pwojè ki egziste yo. Konsèy la te apwouve plis pase 19.9 milyon dola nan finansman alontèm san enterè pou minisipalite yo pou bay ekonomi sou sèvis dèt pou pwojè sa yo.

Apwobasyon Konsèy la enkli finansman atravè Fon Woulman Eta a pou Dlo Pwòp (Clean Water State Revolving Fund, CWSRF) ak Fon Woulman Eta a pou Dlo Potab (Drinking Water State Revolving Fund, DWSRF) ak sibvansyon yo te deja anonse

konfòmeman ak pwogram Amelyorasyon Enfrastrikti Dlo (Water Infrastructure Improvement Act, WIIA) ak Sibvansyon Entèminisipal yo.

**Prezidan ak Direktè Egzekitif Jeneral Kòporasyon Etablisman Anviwònmantal Eta New York la, Maureen A. Coleman, te deklare**, "Fon Woulman Eta a se yon resous enpòtan pou ede kominote yo envesti nan enfrastrikti dlo nan yon fason abòdab. Dènyèman, EFC te finalize Plan Itilizasyon yo Prevwa pou 2024 pou Fon Woulman Eta pou Dlo Pwòp la epi li prevwa ke yo te kapab sipòte plis pase 2 milya dola nan nouvo konstriksyon pwojè egou enpòtan nan ane fiskal federal sa a, pou kontinye eritaj Eta New York la nan administre pi gwo Fon Woulman Eta a nan nasyon."

**Komisè Depatman Konsèvasyon Anviwònmantal Eta New York la ak Prezidan Konsèy EFC a, Basil Seggos te deklare**, "Mwen aplodi angajman soutni Gouvènè Hochul pou l envesti nan pwojè enfrastrikti abòdab epi ki pote transfòmasyon k ap amelyore kalite dlo a epi ki benefisyé anviwònman nou an. Soti nan Pwojè Transpò Bay Park la nan South Shore nan Long Island rive nan pwojè enpòtan pou amelyore kalite dlo k ap avanse nan Finger Lakes, New York ap amelyore kalite dlo a, retabli abita enpòtan yo, ak amelyore opòtinite pou rekreyasyon pou kominote yo atravè eta a."

**Komisè Sante Eta New York la, Doktè James McDonald, te deklare**, "Asistans finansye Gouvènè Hochul te anonse jodi a reyafime angajman li pou asire tout Nouyòkè yo gen aksè ak dlo pwòp, kounye a ak pou ane k ap vini yo. Finansman sa a pral pèmèt minisipalite yo finanse pwojè enpòtan pou amelyore kalite dlo yo epi ranfòse sistèm pa yo, pou asire sekirite ak byennèt rezidan yo atravè eta a."

**Sekretè Deta New York, Robert J. Rodriguez, te deklare**, "Yon lòt fwa ankò, Eta New York kontinye envesti nan amelyore sistèm enfrastrikti dlo enpòtan yo pou amelyore kalite dlo nou yo ak sante pubblikla. Angajman 108 milyon dola Gouvènè Hochul la pral fè avansman davantaj pou amelyore sistèm dlo ak egou pou diminye polisyon dlo, pwoteje rezèv dlo pou bwè ki enpòtan anpil yo, ranfòse rezistans, konbat chanjman klimatik, ak kreye djòb vèt nan tout Eta New York la."

#### **Pwojè dlo pwòp yo:**

- **Konte Nassau** — 33,298,765 dola nan finansman akoutèm, san enterè, ak 33,298,764 dola nan finansman akoutèm nan to mache a pou planifye, konsewva ak konstiwi derivasyon dlo k ap koule ki soti nan Etablisman Reklamasyon South Shore rive nan Izin Kontwòl Polisyon Dlo Cedar Creek la pou founi rezistans, diminisyon inondasyon ak amelyore kalite dlo nan Reynolds Channel.
- **Vil Newfield, Konte Tompkins** — 551,907 dola finansman akoutèm san enterè, ak 377,609 dola dola nan finansman akoutèm nan to mache a, ak 183,969 dola sibvansyon WIIA pou planifikasyon, konsepsyon ak konstriksyon amelyorasyon sistèm koleksyon yo.

#### **Pwojè Dlo Potab:**

- **Vil Auburn, Konte Cayuga County** — 3,720,000 dola sibvansyon WIIA pou reyabilitasyon konplè Izin Filtrasyon Lan sou Sab ak Izin Filtrasyon Rapid sou Sab, ki gen ladan amelyorasyon estriktirèl, elektrik, achitektirèl, HVAC ak pwoesis mekanik.
- **Vilaj Cuba, Konte Allegany** - 4,300,000 dola nan finansman akoutèm ak to mache a ak 3,000,000 dola sibvansyon WIIA pou chanje kanalizasyon dlo, enstalasyon kanalizasyon kontak pou klò, amelyorasyon kay pi, amelyorasyon rezèvwa dlo, nouvo ekipman elektrik ijans ak enstalasyon yon sistèm kontwòl/siveyans.
- **Greenlawn Water District, Konte Suffolk** - Sibvansyon WIIA 3,000,000 dola pou konstwi yon nouvo pwoesis tretman nan etablisman tretman dlo ki egziste deja pou retire 1,4-dyoksàn nan Pi No. 8 Distri a.
- **Vil Lewisboro, Konte Westchester** — 775,800 dola nan finansman akoutèm ak to mache a ak Sibvansyon WIIA 1,163,700 dola pou enstalasyon yon sistèm tretman Kabòn Graniè Aktive (Granular Activated Carbon, GAC) pou retire asid pèfliyowoktanoyik, konstriksyon yon biling tretman GAC, ak ranplasman ponp sipresyon, ponp jockey ak ponp wo debi an nati, ak tiyotri.
- **Vilaj Pawling, Konte Dutchess** — 1,169,867 dola finansman akoutèm san enterè, 2,339,733 dola akoutèm finansman nan to mache a ak 1,280,400 sibvansyon WIIA pou devlopman senk pi nan Lower Baxter Wellfield, pou konstriksyon yon etablisman tretman pou trete Lower Baxter Wells ak Umscheid Wells, ak enstalasyon kanalizasyon distribisyon.
- **Distri Dlo South Huntington, Konte Suffolk** - 5,500,000 dola sibvansyon WIIA pou enstalasyon sistèm tretman pa Pwosede Oksidasyon Avanse pou retire 1,4-dyoksàn ak ranplasman yon sistèm tretman GAC ki deja egziste ak pi gwo resipyen.
- **Vil Stafford, Konte Genesee** — 1,065,000 sibvansyon WIIA pou kreyasyon nouvo Distri Dlo No. 12 ak enstalasyon aperè 30,000 pye lineyè kanalizasyon dlo.

**Pwojè refinansman ki konplete yo ap reyalize ekonomi nan sèvis dèt alontèm yo**  
 Konsèy la te apwouye refinansman alontèm pou sèt pwojè ki egziste ki bay yon total 19.9 milyon dola. Finansman akoutèm yo bay kapital pou pwojè konsepsyon ak konstriksyon yo. Depi pwojè konstriksyon an fini, yo refinanse finansman akoutèm yo an jeneral atravè finansman alontèm pou jiska 30 ane, ki ekonomize depans enterè ki enpòtan minisipalite yo pa rapò ak pwòp finansman yo.

Finansman alontèm san enterè Konsèy la te apwouye pou pwojè dlo pwòp nan Cooperstown nan Konte Otsego, Coxsackie nan Konte Greene, Homer nan Konte Cortland, Kingston nan Konte Ulster, Oakfield nan Konte Genesee, ak Tonawanda nan Konte Erie, ansanm ak yon pwojè dlo potab pa Otorite Dlo ak Dlo Ize Konte Dutchess la. Baze sou kondisyon mache aktyèl yo, yo pwojte ke finansman alontèm sa yo ap fè kontribyab yo ekonomize yon estimasyon 37.8 milyon dola nan peman enterè ak sibvansyon ki te otorize anvan yo pou tout dire lavi finansman yo.

## Angajman New York pou Kalite Dlo

Envestisman prensipal Eta New York nan enfrastrikti dlo pwòp totalize 5 milya dola depi 2017. Anba lidèchip Gouvènè Hochul, bidjè adopte 2023-24 la gen ladan 500 milyon dola nan finansman dlo pwòp. Gouvènè a te lanse Ekip Asistans Kominotè ane sa a pou elaji pwogram asistans teknik EFC epi ede ti kominote riral yo ak kominote ki defavorize yo ogmante finansman sa a pou adrese bezwen enfrastrikti dlo pwòp yo. Yo ankouraje nenpòt kominote ki bezwen èd ak bezwen enfrastrikti dlo yo pou kontakte EFC nan [efc.ny.gov/CAT](http://efc.ny.gov/CAT).

Lwa sou Obligasyon pou dlo pwòp, lè pwòp ak travay ekolojik (Clean Water, Clean Air and Green Jobs Environmental Bond Act) 4.2 milya dola elektè yo apwouve a ap fè nivo finansman istorik la avanse pou modènize enfrastrikti dlo ki ansyen epi pwoteje kalite dlo, ranfòse kapasite kominote yo pou yo reziste kont gwo tanpèt ak inondasyon, redwi polisyon nan lè a epi diminye emisyon ki chanje klima yo; retabli abita yo epi prezève espas deyò ak fèm lokal yo. Kominote defavorize yo pral resevwa omwen 35 pousan nan benefis finansman Lwa sou Obligasyon an, avèk yon objektif 40 pousan.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418